


宋詩紀事


十一二



和書門		三九	架函號類
三二	一六	二六	三二

內閣文庫		漢書
三六	三九	二六
二六	三二	三二

內閣文庫		
番號	漢	3965
冊數	32 (5)	
函號	363	123



宋詩紀事卷十一



錢唐厲文鶚庫緝

祁門馬曰璐同緝

宋庠

庠字公序初名郊字伯庠安州安陸人徙開封之
雍正天聖二年舉進士第一入翰林為學士歷檢
校太尉平章事樞密使封莒國公以司空致仕卒
贈太尉兼侍中謚元憲有集

西清詩話二宋俱為晏元獻門下士兄弟雖甚貴顯為文必手抄寄公求
雕潤嘗見景文寄公書曰昔公兄赴鎮圃田同遊西池作詩云長楊獵罷
寒熊吼太乙波閑瑞鶴飛意絕絕因作一聯云白雪久殘梁復道黃頭
閑守漢樓船仍注空守子閑之旁批云二字未定更望指示晏公書其尾
曰空優于閑且見雖有船不御之意又字好語健蓋前輩務求博約情實
腕至蓋如此也



答葉道卿

紙尾勤勤問姓名禁林依舊玷華纓莫驚書錄題臣向便
是當時劉更生

西清詩話宋郊字伯庠在翰林有指其姓名傳以他說者因請更名庠嘗
移書葉道卿清臣目為同年葉戲答云清臣宋郊榜第六人登第徧閱小
錄無宋庠者不知何許人庠答詩云云

展江亭成畱題

綠鴨東陂已可憐更因雲竇注新泉鑿開魚鳥忘情地展
盡江湖極目天向夕舊灘都浸月過空新樹便畱煙使君
直欲稱漁叟願得閑州不記年

西清詩話許昌西湖展江亭成宋元憲畱題有鑿開魚鳥忘情地展盡江
湖極目天之句皆以為曠古未有此詩然本于五代馬殷據潭州時建
明月圃命幕客徐仲雅賦詩云鑿開青帝春風圃移下姮娥夜月樓用古
句摹擬詞人類如此但有勝與否耳

落花

十夜春風拂苑牆歸來何處剩淒涼漢臯佩冷臨江失金
谷樓危到地香淚臉補痕煩獺髓舞臺收影費鸞腸南朝
樂府休賡曲桃葉桃根盡可傷

侯鯖錄宋曹公兄弟少作落花詩為時贈矣

莊惠后挽詞

媽幄柔明訓堯闈保護賢別居長樂寢讓給水衡錢謹疾
方加膳收神亟去仙宸襟增服紀追報煥終天
昔帝推嬪則吾君賴母慈陪陵漢家葬異室闕宮祠霧暗
星軒隱天愁月御移翟車參享路無復廟中期

莊獻太后挽詞

寶慈垂母訓一紀御璿除地有占沙舊天仍補石餘軒星
淪夕緯翟輅去宸居異日金滕啟方知復辟書

不辟詔書

自注太后上仙後於巾箱中得

肝炅身無憚寒暄疾有加災生織女奈魂斷濯龍車厥翼
浮晨旭邊簫咽暝霞唯畱長樂注刊美在皇家

以上合璧事類前集

季秋曉出題山光寺

旦夕人語喧汎舟北城曲十里望禪刹飄若塵外躡是日
秋宇高輝澹晨旭林風唱殘蜩澤稗下飢鵠野實迎露
黃川蕪傲霜綠循涯得微徑捨楫步幽麓佛寺訝靚深僧
廬互重複山氣導真想天香洗煩欲嗟余秉微尚正壑返
初服失計蹈塵躑虛名玷纓轂安排金馬門謬草紫泥牘

器偏固自傾綆短良難續何言一麾出尚參九州牧恩深
無後疵顏覩有餘恐孔訓懲憚改義爰許頻復竭來清淨
區冀脫泥塗辱醉象或可調藩羝悔前觸萬緣自我空至
道非外勗聊謹三載期吾得事棲伏

揚州府志

宋 祁

祁字子京天聖二年與兄庠同舉進士奏名第一
章獻太后以爲第不可先兄乃擢庠第一而寘祁
第十時號大小宋累遷知制誥工部尚書翰林學
士承旨卒諡景文有集

東軒筆錄于京博學能文章天資蘊藉好游宴以矜持自喜晚年知成都府帶唐書於本任刊修每宴罷盥漱畢開寢門垂簾然二椽燭賸婢夾侍和墨伸紙遠近觀者皆知尚書修唐書矣望之如神仙焉多內寵後庭曳羅綺者甚衆嘗宴于錦江偶微寒命取半臂諸婢各送一枚凡十餘枚皆

宋詩紀事卷十一
至子京視之茫然恐有厚薄之嫌竟不敢服忍冷而歸

九日食糕

廳館輕霜拂曙袍
糗餈花飲鬪分曹
劉郎不敢題糕字
虛負詩中一世豪

聞見後錄劉夢得作九日詩欲用糕字以五經中無之輟不復為宋子京以為不然故子京詩云云糗餌粉餈餈類也出周禮詩豪樂天目夢得云

玉堂作

粉署重來憶舊遊
蟠桃開盡海山秋
寧知不是神仙骨
上到鼇山更上頭

東軒筆錄嘉祐中翰林諸公皆入政府時包拯為三司使宋祁守鄭州二公久著人望而不見用京師諺語曰撥隊為參政成羣作副樞虧他包省主悶殺宋尚書明年包亦為樞密副使而以翰林承旨召景文景文以詩寄梁丞相畧云梁園賦罷相如至宣室釐殘賈誼歸蓋謂差除兩府足方被召也為承旨又作詩云云

清明日集西園

日日西園春思催
攜觴結客上高臺
正緣從事青州至
更許書生洛下來
早葉已成花半落
新巢未定燕千迴
芳辰物物皆堪愛
併作高陽倒載媒

時州醞既美又命座客賦詩故有第二聯

中山立秋

峯雲曉影破
巒顏萬里風
生結早寒人在兜
零烟外走歲從
鴉鳩口中殘
槽聲併滴添
新耐筍月兼
輪掩故純白髮
光陰誠可惜
五年搔首問長安

八月望夜無月有感

素波涼暈淡
曾城悵悵三年此
夜情獨捲練帷
成默坐暗蟲相命
作秋聲

閏正月二十五日送客尋春集裴氏園
尋春選客共流連雨罷春郊物物妍黃抹柳梢初徧後紫
黏花萼未開前朋矜自爲交驩慘醉學誰能辨聖賢猶賴
斜陽催跋馬不然離恨損絲弦

七月二十七日

客雁歸何處寒蟬鳴不休兼之清夜永副以長年愁家令
有移帶中郎餘白頭此懷誠自感何賴怨高秋

十日宴江濱亭

節去歡猶在賓來賞更延悠揚初短日凄緊乍寒天霽沼
元非漲秋花自少妍蟻雷新獻耐蕙續不殘烟口鯁衝餘
藻游龜避折蓮流芳真可惜從此遂凋年

以上古今歲時雜詠

過摩訶池

十頃隋家舊鑿池池平樹盡但回隄清塵滿道君知否半
是當年濁水泥

池邊不見帛闌船麥壠連雲樹繞天百歲興衰已如此爭
教東海不爲田

余旣到郡有詔仍修唐書寄局中諸僚

一章通奏領州麾詔許殘書得自隨吾黨成章真小子官
中事了是癡兒昏眸視久花爭亂倦手搔餘雪半垂所願
弟兄皆傑筆劉生當見汗青期

司馬相如琴臺

故臺千古恨猶對舊家山半夜鸞鳳去他年駟馬還死憂

封禪晚生愛茂陵閑唯有飄飄氣仍存天地間

江濱亭

一翬掀翅壓溪隅吏事初閑此燕居斷岸有時通畧約輕
風盡日戰枰欄雲鴻送目揮弦後手板看山拄頰餘芟碧
蒲青來更數江人多識使君旟

九日藥市作

陽九協嘉神期入始多暇五藥會廣塵遊肩鬧相駕靈品
羅賈區仙芬冒闔舍擷露來山阿斲煙去巖罅係道雜提
攜盈檐更薦藉乘時物無賤投乏利能射癰苓互作主參
薺交相假曹植謹贖令韓康無二價西南歲多癘卑溼連
春夏佳劑止刀圭千金厚相謝刺史主求漢萬室繫吾化

顧賴惡石功捫衿重慚惜

將歸

遠假西南守三逢梅柳新衰令宦情薄老惜歲華頻郾釀
工銷日巴禽巧喚春離家何所恨雁後作歸人

覽蜀宮故城作

國破江山老人亡岸谷摧鴛飛今日屋鹿聚向時臺故苑
猶飛雪荒池但劫灰頽遺糊處壤闔記數殘枚恨月窺林
下悲風覓隴來依城狐獨速失厦鷺裴回廢社纔存樹陰
垣自上苔有情惟杜宇長爲故王哀

集海雲鴻慶院

地勝祠仍古春餘物徧華山雲時抱石佛雨不萎花嶺挾

樓梯峻巖牽殿城斜涼谿雜環佩怪蔓走龍蛇供坐僧飛
鉢香園客戲沙吾遊真草草深意屬青霞以上成都文類

秋夜

西風已飄上林葉北斗直挂建章城人閒底事最堪恨絡
緯啼時無婦驚老學庵筆記

咏漢史

朱游朱雲小字英氣凜生風濱死危言悟帝聰殿檻不修旌直
諫安昌依舊漢三公韻語陽秋

題三泉龍洞

蚪洞聳雲峯綠虛一棧通雲披雙壁做樹補半巖空穢竹
森煙爨飛泉曳玉虹重蘿不冝晝陰壑自然風嶺斷天斜

碧崖傾日倒紅浮正邈難遇畱恨翠微中

能改齋漫錄三泉龍洞以山為門深數十步復見天日及山水之秀蓋自
然而成非人力也宋景文公賦詩

蛙

越國車前矜勇甚子陽井底太驕生乘時不羨雲溟樂口
作儀同鼓吹聲

螿

撲粉曾過宋玉牆一身生計託流芳不須長結東風願秋
菊春蘭各有香以上合璧事類別集

吳中友人惠蟹

秋水江南紫蟹生寄來千里佐吳羹楚人欲使衷畱甲齊
客何妨死願烹下筋未休資快嚼持螯有味散朝醒定知

不作螭螭悞曾廁西都博士名

蟹畧

臘後晚望

寒日繫難定鳴笳弄已休凍崖初辨馬昏谷自量牛漢樹
臨關密胡泉入塞流登高能賦未風物古堯州

送越州陸學士

梅天霞破候旗乾鄉樹依然越絕閒挾策當年逢掖去懷
章此日繡衣還亭餘內史浮觴水路入仙人取箭山牛酒
盛誇先墅宴不妨春詔得親班

荅勸農李淵宗嘉州江行見寄

嘉月嘉州路軻我按部船山圍杜宇國江入夜郎天霽引
溪流望涼供水閣眠愧君舟楫急遂欲濟長川

贈清逸魏處士

奕世依巖石袞恩下帝庭姓名高士傳父子少微星池潤
遙通澗家林近帶垌分明詔書意天極賜鴻冥

瀛奎律髓此魏野之子閑也亦能詩世其隱

長安道中悵然作

三輔古風煙征驂悵未前山圍蓬顆外
自注賈山議始皇侈葬
言後世不得蓬顆蔽冢宮
室黍離邊樹老經唐日碑殘刻漢年便須真隕涕不待雍
門弦

寒食假中作

九門煙樹蔽春塵小雨初晴潑火前草色引開盤馬地簫
聲催暖賣餠天縈絲早絮輕無著弄袖和風細可憐鼇署

侍臣貪出沐珉糜珠餽愧頒宣

擬杜子美峽中意

天入虛樓倚百層四方遙謝此登臨驚風借壑為寒籟落
日容雲作暝陰峴井北拋王粲宅楚衣南逐女嬃砧十年
不識長安道九籥宸開紫氣深

春宴行樂家園

園芴初乾小雨泥飲壺游屐況親攜身輕早蝶千回舞技
癢新禽百種啼乘飲草茵侵坐輒畏風桃綬向林低陽暉
自有畱人意銜照高樓未遽西

原注荔人去聲

把酒

歌管嘈嘈月露前且將身世付酡然漫誇鼯鼠機頭箭不
識醯雞甕外天青史有人譏巧宦黃金無術治流年君看
醉趣兼醒趣始覺靈均更可憐

落花

墜素翻紅各自傷青樓煙雨忍相忘將飛更作迴風舞已
落猶成半面妝滄海客歸珠迸淚章臺人去骨遺香可能
無意傳雙蝶盡付芳心與蜜房

以上瀛奎律髓

瀛奎律髓夏英公守安州景文兄弟以布衣游學席上各賦落花詩英公以為有台輔器後元憲狀元景文甲科同榜天下以為二宋

希夷賦

仙館三峯下年華百歲中夢休孤蝶往蛻在一蟬空藥笈
微言秘霄辰浩氣通丹遺舐後鼎林遣御餘風布霧沈荒
白滄霞委暗紅蛾眉有歸約飛步與誰同

華嶽全集

寄大固山嘉祐院長吉上人上人曾遊京師得宋公以下一百四十五人所書般若經建臺以貯之

名高身愈隱孤錫倚巖扃園布黃金地臺藏白馬經庵雲吞暝燭湖月瀉虛瓶坐想谿橋路莓苔又幾青台州府志

句

色映棚雲爛聲迎羽月遲

六一詩話天聖二年省試采侯詩宋尚書祁最擅場其句云云尤為京師傳誦當時舉子目公為宋采侯

碧雲謾有三年信明月空為兩地愁

優古堂詩話雲齋廣錄云二宋以文章齊名天下子京守蜀日作詩三百名曰猥橐有句云云後卒不入兩府人以為詩識予以子京用何遜與胡興安夜別詩念此一筵笑分為兩地愁廣錄之論不知所自也

蟹美持螯日鱸香抑鮓天芥隱筆曉日侵簾押春寒到被池

青帝回風還習習黃人捧日故遲遲困學紀聞虺蔓相結盤

蚪梢久回曲紛若未契繩繁如已綸綉味誰言漢樸學正

似楚枝官以上哲匠金村

吳感

感字應之吳郡人天聖二年省試第一九年又中

書判拔萃科仕至殿中丞

如歸亭

五柳門南派水東水邊亭上興無窮半窗山色來雲外一

枕荷香帶雨中繡被夜歌青翰檝綠波春颺紫莖風塵曹

未竊江湖號攜手闌干早晚同吳江縣志

呂造

造晉江人言子天聖二年進士

刺桐城

閩海雲霞繞刺桐往年城郭為誰封鷓鴣啼困悲前事豈
蕊香銷滅舊容

泉州雜記泉州築城時環城皆植刺桐故號刺桐城呂造詩云云

胡宿

宿字武平常州晉陵人天聖二年進士歷兩浙轉
運使召修起居注知制誥翰林學士拜樞密副使
罷知杭州以太子少卿致仕薨贈太子太傅諡文
恭有集

太湖石

海岱鉛松妄得名洞庭山腳失寒瓊漱成一朶孤雲勢費
盡千年白浪聲誰向機邊逢織女直疑巖下見初平年來
賞物多成病日遶蒼苔幾徧行

宿秀峯寺

在靈巖山

夕鐘初斷海鯨音投宿香園半翠岑冰簟浸牀消客夢水
簾澄月伴僧吟雄風拂衽清涼極珍樹交柯翠翳深一夜
漢陰機事息草堂虛論破煩襟

彭山贈貫之

彭山隔重湖落日見孤塔揚舲入空曠煙樹散鵝鴨山中
老臞仙萬頃纖芥納乘風落珠唾暝色遠相荅平生爾汝
分磁甌契已狎萬緣一笑空箇處無剩法方舟過谷隱風
雨寒霎霎黎明帶星歸尚及齋鼓踏臨歧戒後會梅熟新

秧插期我散繚楮莫忘鷗盟歌

送楊中允宰常熟

丹舸傍江溥嘔啞遠艣音新科持片玉能政引孤琴美進
宮坊秩榮歸里開心名參天下雋歌著邑中黔地志連香
徑家園帶武林吳山幾屏秀楚水一篙深晚鼓停餘疊秋
帆臥半陰平時接方驥後夜望橫參陶菊何妨醉江毫且
剩吟悠悠河上別千里鬱朋簪

送顯忠上人歸吳郡

秋風隨處起振錫不畱行卻背嵩雲去迎看淮月生禪通
少林默詩得杼山清幾夕巖窗下忘眠聽瀑聲

以上吳郡志

過桐廬

兩岸山花中有溪山花紅白徧高低靈源忽若乘槎到仙
洞還同採藥迷二月辛夷猶未落五更鴉白最先啼茶煙
漁火遙堪畫一片人家在水西

塞上

漢家神箭定天山煙火相望萬里閒契利請盟金七酒將
軍歸臥玉門關雲沈老上妖氛斷雪照回中探騎閑五餌
已行王道勝絕無刁斗至闐顏

飛將

曾從嫖姚立戰功胡雛猶畏紫髯翁雕戈夜統千虛會緹
騎秋曠五柞宮後殿拜恩金印重北堂開宴玉壺空從來
敵國威名大麾下多稱黑稍公

以上藏奎律髓

次韻朱沈春雨之什
蒼野迷雲黯不歸
遠風吹雨入巖扉
石牀潤極琴絲緩
水閣寒多酒力微
夕夢將成還滴滴
春心欲斷正霏霏
憂花惜月長如此
爭得東陽病骨肥

淮南王

貪鑄金錢盜寫符
何曾七國戒前車
長生不待爐中藥
鴻寶誰收篋內書
碧井牀空天影在
小山人去桂叢疎
雲中雞犬無消息
麥秀漸漸徧故墟

早夏

井轄投多思不禁
密垂珠箔晝沈沈
睡驚燕語頻移枕
病起蛛絲半在琴
雨徑亂花埋宿豔
月軒脩竹轉涼陰
一春

酒費知多少
探盡囊中換賦金

以上宋藝圃集

芙蓉湖

小湖香豔戰芙蓉
碧葉田田擁釣篷
嵐氣欲飛山隔岸
秋光不定水搖空
翩翩雪鳥爭投浦
潑刺霜鱗對擲風
正是滄浪濯纓日
一竿多謝紫溪翁

咸淳毘陵志

函谷關

天開函谷壯關中
萬古驚塵向此空
望氣竟能知老子
棄繻何不識終童
謾持白馬先生論
未抵鳴雞下客功
符命已歸如掌地
一丸曾誤隗生東

河南府志

津亭

津亭歌闕戒棠舟
五兩風來不暫留
西北浮雲連魏闕
東

南初日滿秦樓層城渺渺人傷別芳草萋萋客倦遊平樂
舊懽收不得更憑飛夢到瀛洲

沖虛觀

五粒青松護翠苔石門岑寂斷纖埃水浮花片知仙路風
遞鸞聲認嘯臺桐井曉寒千乳斂茗園春嫩一旗開馳煙
未勒山庭字可是英靈許再來

淮南發運趙邢州被詔歸闕

天臺封詔紫泥馨馬首前瞻北斗城人在函關先望氣帝
於京兆最知名一區東第趨晨近數刻西廂接晝榮正是
兩宮裁化日百金雙璧拜虞卿

以上顧氏積書巖選

憶廣福寺牡丹

十日春風隔翠岑祇因繁朶自成陰尊前可要人頽玉樹
底遙知地側金花界三千春渺渺銅槃十二夜沈沈雕盤
分簞何由得空作西州擁鼻吟

常州府志

尹洙

洙字師魯河南人天聖二年進士知伊陽縣召試
爲館閣校勘累遷右司諫知渭州兼領涇原路經
畧公事坐貶卒有河南集

聞見錄本朝古文柳開仲塗穆脩伯長首爲之倡尹洙師魯兄弟繼其後
歐陽文忠早工偶儷之文及官河南始得師魯乃出韓退之文學之蓋公
與師魯文雖不同公爲古文則居師魯後也

皇雅十篇

天監受命也自梁至於周兵難不息宋受命統一萬方

焉

天監下民亂靡有定甚武且仁祚厥真聖仁實懷徠武以
執競匪虔匪劉極我天命自昔外禪曰經曰營令以挾制
政以陰傾帝初治兵志勤于征奄受神器匪謀而成淮潞
弗虔卒汚叛跡戎輅戒嚴皇威有赫彼寇誑民吾勇其百
殄厥渠魁貸其反側帝朝法宮左右宗公伎夫悍士以雍
以容爾居爾室爾工爾農既息既養惟天子功

天監四章章八句

西師征蜀也

主用西師岷梁弗賓匪曰負固實交晉人予訓予誓念我
將臣正厥有罪無庸傷民矯矯虎士載摧其壁吁嗟孟侯
亦果其策迎師而降靡抗鋒鏑豈獨身謀完是宗國蜀都
既平將臣失律此衆悍驕彼民危慄堂塗叫呶合萬爲一
匪懷則威帝心是恤帝曰將臣予嘉乃庸廢命毒民爾弗
有終邦典用疑惟罪惟功歷殛而削協于厥中帝曰孟侯
受封于楚淑旂瑠戈備物異數俾爾族姻及乃文武服在
王庭靡不有序蜀民呼歌天子威靈保我者封暴我者刑
匪功是私匪弱是陵天子惠民疇敢不承

西師六章章八句

耆武受俘也命將伐南海平金陵俘二王以獻
耆武定功惟時二方淮服其乂海南遂荒孰孱而盪孰暴
而昌自民不惠乃終滅亡帝戒二俘同卽爾誅予惟民無

辜休息是圖時其戢矣寧威獨夫帝嗟汗邦久罹于民或
暴下以征或敷虐以刑予命中興協于國經民服德音室
家以寧

耆武三章二章八句一章六句

憲古令守臣也削其附庸以強帝室焉

帝懷永圖治古是憲四方守臣惟屏惟翰在昔艱難弗惠
訓典跨都連城高牙以建有士有民肆乃征繕以息以容
終焉叛渙凡今師臣維厥聞見匪革亂原曷清多難帝告
庶邦式是典彝元侯顯文戚臣宗支正乃封圻予一人是
毗凡曰附城罔爾俾之畜兵厚賦靡爾得私毋凶而國作
福作威天子有命疇敢不祗子孫承承惟萬世規

憲古二章章十六句

大鹵王師討晉罪也

冀州之強粵惟大鹵俗伎而專地扼而固協彼幽都蕩搖
邊圉三乘旣夷凶威弗阻帝御六師百萬貔虎翦其附庸
至于城下鋒鏑始交梯衝如舞蠢爾孱王請附降虜我士
奮揚願究吾武皇帝曰吁念彼黎庶匪鯨匪鯢復爲王土
晉郊旣平九區以寧陳功太廟告假威靈在昔武臣于商
觀兵惟吾藝祖亦勤于征匪貸晉罪俟厥貫盈聖作聖繼
巍巍相承皇矣二后功莫與京

大鹵二章一章二十二句一章十四句

帝藉脩牧典也躬耕以勸農焉

帝藉于郊典儀是陳務農以訓供祀以勤勤祀在誠匪勤
于人訓農以實匪酬以文帝慎二物乃躬乃親公侯卿士
暨厥庶民于甸有制飭哉惟寅帝賚高年式宴且喜種種
黃髮族立而議我生艱難暴亂以繼耳狃金鼓目狎戎器
皇其我圖親講農事有子有孫力田孝悌鼓舞至仁薰焉
以醉

帝藉二章章十四句

庶工任賢也

帝咨庶工疇其輔予俊乂以登厥勞乃圖匪忘舊勳非賢
勿俞巍巍袞台盛德以居任賢伊何昌言是庸勉吉爾猷
罔恤乃躬豈無猥辭拂于予衷予不爾疵爾無面從始如
從官戎容揚揚今帝左右儒官煌煌朝廷以尊文物典章
得人之盛奕世重光

庶工三章章八句

帝制北方請盟也

帝制萬方罔有弗賓蠻夷戎狄羈而弗臣盛格三方稽顙
獻琛單于革心願交使人帝謀公卿列侯庶校咸曰彼心
暴戾陰狡旣擾我疆復利我寶無若厲兵襲其還道皇曰
有衆予實念茲戰無必勝矧其歸師借曰大獲疇能盡之
益俾餘醜毒吾朔陲乃俞其盟北州以綏在漢世宗抗威
北戎暴農算商經用弗充中土震騷漢南始空降及後世
猶稱厥功於穆聖考德無與偕匪勤干兵北人遂來逮是

三紀遠俗以懷生民休息嗚呼仁哉

帝制五章四章八句一章十句

皇治慎刑也帝仁于用刑在位者以寬恤爲治焉

皇底其治欽哉惟刑在疑而宥罔察爲明愛怒弗肆孰爲重輕毋一弗辜惟典之平前世理官倚法以刻匪彼爲讎蓋曰任職今之決獄務正其辟鑒于前人繫我仁德皇德在仁寢而成風公侯卿士靡不率從靡卵萌生咸保厥終不鄙不天樂哉融融

皇治二章章八句

太平封祀告成功也

噫噫太平無象兮世烏得而知惟盛德可迹兮其封祀之儀東岱宗兮西汾睢禮上靈兮賓地祇皇有征兮吾民以禮皇有祈兮吾民是私天敷佑兮俾皇之釐永世億寧兮無疆之基

太平一章八句

以上河南集

曾易占

易占字不疑致堯次子天聖二年進士知信州玉

山縣坐法失官

題洪州僧寺

今朝才是雪泥乾日薄雲移又作寒家山千里何時到溪上梅花正好看

能改齋漫錄

謝伯初

伯初字景山晉江人天聖二年進士許州法曹

六一詩話天聖景祐開景山以詩知名余謫夷陵時景山方為許州法曹以長韻見寄頗多佳句余答云參軍春思亂如雲白髮題詩愁送春蓋景山詩有多情未老已白髮野思到春如亂雲之句故余以戲之也又如自種黃花添野景旋移高竹聽秋聲園林換葉梅初熟池館無人燕學飛之類皆無媿於唐諸賢而仕宦不偶終以困窮而卒

寄歐陽永叔謫夷陵

江流作險似瞿塘滿峽猿聲斷旅腸萬里可堪人謫宦經年
鹿合鬢成霜長官衫色江波綠學士文章蜀錦張異域
化為儒雅俗遠民爭識校讎郎才如夢得多為累情似安
仁久悼亡下國難畱金馬客新詩傳與竹枝娘典辭懸待
修青史諫草當來集阜囊莫謂明時暫遷謫便將纓足濯
滄浪 六一詩話

許昌公字書懷呈歐陽永叔韓子華王介甫

十年趨競浪求營因得閑曹減宦情亂種黃花看野景旋
移高竹聽秋聲驅馳賤事猶干祿約勒清狂為近名早晚
持竿釣鱸鰕雙溪煙雨一舟橫 宋文鑑

句

移家尚恐青山淺隱几唯知白日長

劉諷都官致仕 古今詩話

葉清臣

清臣字道卿長洲人天聖二年進士歷翰林侍讀
學士權三司使出知河陽卒贈諫議大夫有集

遊攝山棲霞寺

仙峯多靈草近在東北維僧紹昔捨宅總持嘗作碑高風

一緬邈廢宇亦陵遲清泉漱白石霏霧蒙紫芝松蘿日蕭
寂猿鳥自追隨遊人渺或詣隱者誰與期支郎篤清尚千
里孤雲飛覽古玩青籥尋幽窮翠微顧予荷戟守出宿簡
書違憑師訪陳迹賸作攝山詩

景定建康志

大慈寺

在天台縣寺門巽隅號佛隴爲智顛法師宴坐處

佛隴山沈茂草平林閒猶作誦經聲一心三觀休分別秋
靜山高海月明

天台山志

先照寺

一徑涼飈響萬松青霞紫霧祕靈蹤寒生列洞前溪雨聲
到諸天午夜鐘山頂月高猶駕鶴潭陰雲起舊降龍出塵
境界無多遠已上金庭第七重

四朝詩

余靖

靖字安道韶州曲江人天聖二年進士累除右正
言知制誥出知古州經畧廣西南路安撫使儂賊
平遷工部侍郎英宗朝拜工部尙書卒贈刑部尙
書諡曰襄有武溪集

山寺獨宿

柴車走縣封窮途秋耿耿急雨帶溪聲殘燈背窗影驅馳
下士身淒涼旅人景山寒夢不成愁多知夜永

閒題澄虛亭

湖光湛寒碧簾影拂莓苔魚戲應同樂鷗閑亦自來雨餘
輕靄合竹外雜花開久欲畱詩去慚無綺靡才

晚至松門僧舍懷寄李太祝

日暮倦行役解鞍初息肩霧昏臨水寺風勁欲霜天蓼浦
初聞雁人家半在船思君已惆悵黃葉更翩翩

馬當呼鷗不至偶成呈同行諸官

昔年曾汎馬當灣團飯喚鷗篙楫閒今日江邊飛不下應
知人世足機關

送靈谷山人

萬樹秋風一路蟬渡頭重檣木蘭船自慚蹙頰非奇骨擬
問清朝躍馬年以上武溪集

曾公亮

公亮字明仲會子天聖二年進士嘉祐中拜吏部

侍郎同中書門下平章事熙寧二年進昭文館大

學士累封魯國公旋以太保改仕卒贈太師中書

令諡宣靖

宿甘露僧舍

枕中雲氣千峯近牀底松聲萬壑哀要看銀山拍天浪開
窗放入大江來鎮江府志

黃孝先

孝先字子思浦城人天聖二年進士爲宿州司理

以薦遷大理丞知咸陽縣終太常博士

余嘗守官咸陽縣解之後臨渭河汀嶼中連歲中有
孤雁來棲於葭葦中今歲冬深不復至矣或在矰

弋或去而之他皆不可知也感而為詩題亭壁

天寒霜落雁來棲歲晚川空雁不歸江海一身多少事清

風明月我霜衣

侯鯖錄

弔宿州妓張溫卿

人生第一莫多情眼看仙花結不成為報兩京才子道好

將詩句弔溫卿

句

恩同花上露畱得不多時

能改齋漫錄宿州妓張玉姐字溫卿色藝冠一時沈子山為獄掾最所鍾愛罷官途次南京念之不忘為剔銀燈一闕云一夜隋河風動霜混水天如鏡古柳長堤寒煙不起波上月無流影那堪聽疎星外離鴻相應須信道情多足病酒未到愁腸還醒數登蘭衾餘香未滅甚時枕鴛重竝教伊須更將盟誓後言約定其後明道中張子野黃子思相繼為掾尤賞之偶陳師之求古以光祿卿來掌權酷溫卿遂托其家僅二年而亡才十九

歲子思以詩弔之云云先是子思有愛姬宜哥客死舟中遺言葬堤下冀他日過此得一見以慰孤魂子思從之作詩納棺中其斷章云云 人皆葬宿州之東

日者未知裴令貴世人爭笑禰生狂詠風簾燕引五六子

露井樞開三四花 春明退朝錄

孫甫

甫字之翰陽翟人舉進士歷石正言遷天章閣待

制河北轉運使有集

成都運司園亭詩和章質夫

小亭

蕭森玉谿南小亭屹相向使華雙輅車禪境二方丈固將物理齊室隘志自廣松竹周四簷足以備幽賞

西園

小閣連雪峯憑闌憇幽玩紅接海棠洲綠對篔簹岸有時
開尊鬯波影浸几案何須架長虹然後沖雲漢

成都文類

句

衰病自憐無酒趣塵容猶賴有詩情

乞茶

歷代吟譜

周元明

同胡武平遊南園

爛漫花時錦繡張無端下馬繫垂楊山亭水閣笙歌地合
與行人作醉鄉

吳郡志

張方平

方平字安道宋城人舉茂才異等為校書郎英宗

朝累遷禮部尚書出知鄆州神宗即位拜參知政
事致仕薨贈司空諡文定有樂全先生集

冷齋夜話張文定慶曆中嘗為滁州遊瑯琊山藏院俛仰久之呼左右取
梯升梁得經函發之得楞伽經餘半卷未寫忽悟前身蓋知藏僧也寫楞
伽經未畢而化因續書殘軸筆蹟宛然如昔因號二生經後以此經授東
坡為序其事代寫此經刻于浮玉山龍遊寺

吳江道中寄王君貺侍郎

畫船浮震澤煙水接秋空一霎過雲雨滿帆開岸風酒旗
蓮蕩裏僧刹橘洲中何似并州路塵高馬隊雄

蘇子瞻寄鐵藤杖

隨書初見一枝藤入手方知鍛鍊精遠寄只緣憐我老閑
攜常似共君行靜軒獨倚身同瘦小圃頻遊腳為輕何日
歸舟上新洛拄來河岸笑相迎

題歌風臺

落魄劉郎作帝歸樽前感慨大風詩淮陰反接英彭族更欲多求猛士為

題沛縣漢高祖廟

中酒疎狂不治生中陽有土不歸耕偶因世亂成功業更

向翁前與仲爭

以上樂全先生集

石林詩話安道未第時貧甚衣食殆不給然意氣豪邁未嘗少貶與劉潛李冠石曼卿往來山東諸郡任氣使酒見者皆傾下之沛縣有漢高祖廟并歌風臺前後題詩甚多無不推功頌德獨安道詩云云蓋自少已不凡矣

送蘇子由監筠州酒稅

可憐萍梗飄蓬客自歎匏瓜老病身從此空齋挂塵榻不知重掃待何人

茗溪漁隱叢話東坡言元豐三年家弟子由謫官筠州安道口占此詩為別已而涕下安道平生未嘗出涕向人也

王琪

琪字君玉華陽人徙舒舉進士調江都主簿歷官

知制誥加樞密直學士

耆舊續聞翰林學士彭乘不訓其子文學參軍范宗翰學士責之曰王氏之琪珪玳瑁器蓋璫璣韓氏之綜絳纈維才皆經緯非蔭而得由學而然細素雜記西清詩話言王君玉謂人曰詩家不妨開用俗語尤見工夫雪止未消者俗謂之待伴嘗有雪詩待伴不禁鴛瓦冷羞明常怯玉鉤斜待伴羞明皆俗語而採拾入句了無痕類此點瓦礫為黃金手也

鍾山語錄或歌王琪詩句荆公曰琪詩時有奇句然雕鐫不自在石林詩話晏元獻守南都王君玉時已館閣校勘公特請於朝以為府僉判朝廷不得已使帶館職從公外官帶館職自君玉始賓主相得日以賦詩飲酒為樂佳時勝日未嘗輒廢也嘗遇中秋陰晦齋廚夙為備公適無命既至夜君玉密使人伺公曰已寢矣君玉亟為詩以入曰只在浮雲最深處試憑弦管一吹開公枕上得詩大喜即索衣起遲召客治具大合樂至夜分果月出遂樂飲達旦前輩風流固不凡然幕府有佳客亦自如人意也

堯山堂外紀王琪張亢同在晏元獻幕張肥大王以太牢目之王瘦小張

以獼猴目之一日有米綱至八百里村水淺當剝載張往督王曰所謂八百里駁也張曰未若三千年精矣琪嘗嘲亢曰張亢觸藩成八字亢應聲曰王琪望月叫三聲

題揚州九曲池

越調誰家曲當年亦九成哀音已亡國廢沼尚畱名儀鳳
終沈影鳴蛙祗沸聲淒涼不可問落日背蕪城

復齋謾錄晏元獻赴杭州道過維揚憩大明寺瞑目徐行使侍史誦壁間詩戒其勿言姓名終篇者無幾又誦一詩云云問之乃江都尉王琪所作名至同飲又同步池上時春晚已有落花晏云每得句或彌年未嘗強對且如無可奈何花落去至今未能也王應聲曰何不云似曾相識燕歸來晏大喜由此薦為館職
茗溪漁隱叢話昭陵諸臣傳元獻未知杭州復齋所記誤也

金陵賞心亭

千里秦淮在玉壺江山清麗壯吳都昔人已化遼天鶴舊
畫難尋臥雪圖冉冉流年去京國蕭蕭華髮老江湖殘蟬

不會登臨意又噪西風入座隅

湘山野錄賞心亭丁晉公出鎮日重建秦淮絕致清在軒楹取所寶周昉袁安臥雪圖張于亭之屏凡經十四守雖極愛而不敢輒觀偶一帥竊去以布畫鴈掩之君玉復守是郡登亭畱詩云云詩與江山相表裏為賢畫者之蕭斧也

題招隱寺

蒼崖何蟠回嘗為隱君宅

宋戴顓善琴隱居此山

孰謂人琴亡松風正

蕭瑟花閑雪英舞

衛公玉藻詩在焉

鹿去崑泉冽

山有鹿跑泉唐蔣防為之銘

經聲

草堂迴天香中夜發月落山氣深清猿喘亦絕如何人外

迹輕為世網別

玉藻辨證

聞盜紅梅種遺晏同叔

館娃宮北發精神粉瘦瓊寒露藥新園吏無端偷折去鳳
城從此有雙身

石湖梅譜承平時紅梅獨盛於姑蘇晏元獻公始移植西岡園中一日貴
遊賂園吏得一枝分接由是都下有二本王君玉時守吳郡聞盜花種事
以詩遺公當時罕得如此

秋日白鷺亭向夕有感

一作向夕風晦有作

白鷺敞西軒檐宇窮爽塏千峯若連環翠色不可解是時
天宇曠六幕無纖靄金斗熨秋江素練橫衣帶乾坤清且
斂氣象朝昏改蘆花作雪風飛舞來滄海九霄汀鷺起萬
里檣烏快月上三山頭烏沒橫塘外蒼茫洲渚寒錯落星
斗大開樽屏絲竹披襟向簫籟余生本江湖偃蹇欣所會
清興雖自發苦嗜亦吾累魚龍憑夜濤四面忽滂湃安得
然犀燈煌煌發水怪

清輝殿觀唐明皇山水石字歌

皇家四葉恢聖功天臨日燭清華戎漢條靜治洽柔教老
心稽古開神聰有唐英主稱好文仙毫灑落驅風雲壯哉
山水有奇字煥乎八法存翠珉自從棄置咸陽道薛駁煙
滋委宮草天開神贊會休辰甄收再作皇居寶如何淪棄
三百春迎逢睿鑒來紫宸奎鉤粲粲光華動羣玉森森氣
象新丹蘂春妍瑞靄深文梁藻棟結芳林鴻翔鳳翥徑方
丈杯流泉涌蒙親臨鯁臣榮幸從金輿鉤婉魂驚拭目初
多慚攬筆非清藻唯慶千齡際帝圖

荅永叔問月

斑斑疎雨寒無定皎皎圓蟾望欲闌應在浮雲儘深處更
憑絲竹一催看

以上宋文鑑

絕句

香溪春老誤尋芳只有愁雲暎夕陽今日重來已如此何須更問海生桑

正月初弦二月餘小園春事已如麻強誇力健因移石不

減公忙為種花後村詩話

句

疾風甚雨青春老瘦馬疲牛綠雨深優古堂詩話隴鴈半驚秋似

水征人相顧月如霜聞角西清詩話露槿東西照風荷向背愁

涼吹易成團扇恨夕陽偏結小窗愁後村詩話

余良肱

良肱字康臣洪州分寧人天聖四年進士調荆南

司理參軍歷三司判官光祿卿知宣州提舉玉隆

觀曰略按汴京遺蹟志載宋登科記天聖三年四年停貢舉而余良肱史作四年進士未知孰是

和蔣穎叔涇溪

畫舸夷猶紫翠閒暮雲如埽月如環三山六刺須臾過恰

似巖陵七里灘寧國府志

韓琦

琦字稭圭安陽人天聖中進士第二歷同中書門

下平章事集賢殿大學士累封魏國公薨贈尚書

令諡忠獻徽宗論定策勳贈魏郡王有安陽集

迂叟詩話韓魏公罷相守北京新進多凌侮之魏公鬱鬱不得志嘗為詩云風定曉枝蝴蝶鬧雨勻春圃桔槔閑時人稱其微婉皇朝類苑韓魏公知定州因作閤古堂自為記刻于石後人又畫魏公像于堂上宋子京知定州作樂歌十闕其一曰聽說中山好韓家閤古堂畫

圖真宰相刻石好文章魏公聞之不喜

和遂卿學士雪霽登祕閣

曉來延閣步層梯春色周圍一望低殘雪半留珠殿冷非
煙長護綺窗西幽情自逐歸鴻斷芳意還應遠樹迷金匱
有書猶未見祕封香篆鎖芝泥

九日水閣

池館隳摧古榭荒此延嘉客會重陽雖慚老圃秋容淡且
看黃花晚節香酒味已醇新過熟蟹螯先實不須霜年來
飲興衰難強漫有高吟力尚狂

三朝類苑魏公在北門重陽宴諸曹子後園有詩一聯云不羞老圃秋容
淡且看黃花晚節香公居常謂保初節易保晚節難故晚節事尤著所立
特完又作喜雪詩一聯云危石蓋深鹽虎陷老枝擊重玉龍寒人謂公身
雖在外自任以天下之重如此

和御製賞花釣魚詩

花簇香亭萬朶開瑁輿高自九天來輕陰閣雨留天仗寒
色凝春送壽杯仙吹微雲終縹緲恩魚逢餌幾徘徊曾參
二十年前會今備台司得再陪

李壁王荆文公詩注公既進詩或言於上曰韓琦譏切陛下上愕然問之
對曰琦二十年而得一再侍宴此正譏陛下飲宴無度也上大笑

和春卿學士柳枝詞

章臺風曉起新眠寒食輕陰未雨天無限青絲拂遊騎一
生芳意負金鞭以上安陽集

早夏

脫幘吏休後凭軒風快餘瀑泉增瀨急新葉補林疎
暑初天未熱觀閣進新涼果熟愁枝重荷生覺渚香

十里溪源注北塘貯成寬碧澹泱泱新蒲弱荇參差綠去
鷺來鳧斷續行一攬輕波搖鷁舸滿脣斜日曬魚梁使君
思拙無清夢高柳陰成草自長

吳禮部詩話韓魏公手書早夏三詩備蕭散閑適之趣安陽集所無

包拯

拯字希仁廬州合肥人天聖五年進士歷官龍圖
閣直學士御史中丞知開封府權三司使樞密副
使遷禮部侍郎辭不受卒諡孝肅

書端州郡齋壁

清心爲治本直道是身謀秀幹終成棟精鋼不作鉤倉充
鼠雀喜草盡兔狐愁史冊有遺訓毋貽來者羞

廬州府志

吳奎

奎字長文濰州北海人第進士神宗朝歷官樞密
副使參知政事以資政殿大學士出知青州卒贈
兵部尚書諡文肅

雲門畱運上人房

雲門入雲深樹密山轉幽溪亭脩竹裏激激玉泉流仁智
所遐想古今爲勝遊我乘休沐至窮覽浩難周金碧樓殿
午寒香松桂秋清風連高興飄越不可收禪師索題詩投
筆事冥搜欲速馳思遠頃刻歷九州象外有真物恂悅難
爲求徒勞陳熟言羞澀爲爾畱

汎五雲溪由鑑湖歸

樵風漾歸舟飄然一葉輕曲岸超忽遠四山回抱明幽禽
淡容與荷芰相低傾田野多收穫村叟時逢迎歡言無物
役得我遊覽情日脚暮雲起湖面寒煙生秋光湛空碧彷彿見重城候吏津亭外稍聞笳鼓聲

以上雲門集

句

奚車一牛駕朝馬兩人騎

使北

詩話總龜

趙 抃

抃字閱道衢州西安人進士及第歷官龍圖閣直
學士知成都神宗朝擢參知政事以資政殿大學
士出知外郡加太子少保致政卒贈太子少師諡

清獻有集

石林詩話趙清獻以清德服一世平生蓄雷氏琴一張鶴與白龜各一所
向與之俱始除帥成都蜀風素侈公單車就道以琴鶴龜自隨蜀人安其
政治聲籍甚元豐間既罷政事守越再移蜀公時老矣過泗州渡淮前已
放鶴至是復以龜投淮中乃入見先帝問云聞卿前以匹馬入蜀所攜獨
琴鶴廉者固如是乎公頓首謝故其詩有馬尋舊路知歸去龜送長淮不
再來自紀其實也

暖風

薄袂歌雲散輕雲舞袖低簾疎蕩樓閣塵暗逐輪蹄絮亂
垂楊道香流種藥畦春窗惱春思一枕杜鵑啼

芳草

翠密駟文雉叢深隱畫輪離披金谷曉寂寞茂陵春古渡
班荆客長隄走馬人芊芊似袍綠一雨一番新

杜鵑

響亂書窗外人驚夢枕中江城啼曉月澤國愬春風柳道

盤飡綠桃園蹀躞紅年年來此地畱恨任西東

寒食郊園卽事

城郭青煙散郊園麗日長鬪雞紅錦翅遊騎紫絲韁有蝶
俱含粉無人不惜芳儘拚花下飲歸去醉成鄉

和何節判觀水

澄江抵練長極目路蒼茫煙芷差差綠風荷柄柄香西流
終古恨南浦鎮時忙擬待傳辭意離人在楚鄉

題戲綵堂

我憩堂中樂可知優游踰月竟忘歸老萊不及吾兒少且
著朱衣勝綵衣

以上趙清獻公集

蓉塘詩話宋趙卬倅溫州時其父清獻公致仕家居卬迎以就養作堂名戲綵公題詩堂中云

寄張山人

時再領成都

不同參政初時入

謂呂餘慶

也學尚書兩次來

謂張乖崖

到日先生

應笑我白頭猶自走塵埃

澠水燕談治平初龍圖閣直學士趙公抃鎮成都有張山人者數至李道士舍一日語李曰龍圖公促治裝行當入覲且參大政矣趙聞而異之未幾果應召命乃參政柄及鎮青社熙寧五年張遺書云當來相見公大喜久之無驗至秋公奉詔再領成都方悟曰山人言來乃吾當往也將行先寄張云云

王陶

陶字樂道京兆萬年人天聖五年進士神宗朝歷
簽書樞密宣撫陝西還爲侍讀學士知蔡州卒贈
吏部尚書謚文恪

有竇復者世居鎮戎能道邊事

君不見鎮戎德順弓箭手耕種官田自防守相圍置堡禦
蕃軍下視賊庭殊不有殺羊取骨然艾炙試卜賊兵知入
寇都校招呼入堡居堡外重圍百里餘牆低城小不難破
賊箭如棚城上過堡中不及數十人且鬪且罵且欣欣登
陴斫門謂平取應弦死傷已無數窗間走箭射酋豪一箭
已聞哭聲舉爭將錦囊裹賊屍鳴金收衆唯恐遲不唯城
堡依然固吾衆不傷毫與釐自從干戈動西鄙覆軍殺將
曾無恥朝廷未省遺邊功何事此勳不能紀安得天兵百
萬衆盡如此輩堅且勇

宋文鑑

龔宗元

宗元字會之崑山人天聖五年進士歷都官員外

郎有武丘居士遺藁

吳郡志中隱堂在大酒巷都官員外郎分司南京龔宗元所居取樂天詩
大隱住朝市小隱入丘樊不如作中隱隱在畱司間乃作中隱堂與屯田
員外郎程適太子中允陳之奇遊從極文酒之樂皆耆德碩儒挂冠而歸
者吳人謂之三老

六月吟

曦輪獵野枯杉松火焚秦華雲如峯天地爐中赤煙起江
湖噍沫烹魚龍生獐渴獸脣焦斷峻翮無聲落晴漢飢民
逃生不逃熱血迸背皮流若汗玉宇清宮徹羅綺渴嚼冰
壺森貝齒炎風隔斷真珠簾池口金龍吐寒水象牀珍簟
凝流波瓊樓待月微酣歌王孫晝夜縱娛樂不知苦熱還
如何

夜宴作

兔魄侵階夜三刻蜀錦堆香花院窄風動簾旌玳瑁寒露
垂蟲網珍珠白美人正席羅弦管綺幄雲屏爐麝煖只恐
金壺漏水空不怕鸞觴琥珀滿勸君莫負秉燭遊曾見古
人傷晝短

贈處士林逋

高蹈遺塵蛻含華傲素園璜溪頻下釣蕙帳不驚猿養浩
時清肅忘機只寓言幾回生蝶翅明月在西軒

送陳君子之四明

短亭祖帳接平川柳拂回波繫畫船漸向落暉分繡袖忍
聽離曲怨鴟弦雲連稽嶺應懷古路近光源好訪仙那更
憑高望天際江堤煙重草綿綿

擣砧詞

星游耿耿寒煙浮白龍銜月臨霜樓誰家砧弄細腰杵一
聲擣破江城秋雙桐老翠墮金井高低冷逐西風緊靜如
秋籟暗穿雲天末驚鴻斷斜影哀音散落愁人耳何處離
情先喚起長信宮中葉滿階洞庭湖上波平水萬里征夫
眠未成搖風擣月何丁丁楚關秦嶺有歸客一枕夜長無
限情

以上中吳紀聞

正 濬

濬字道源黟縣人天聖五年進士爲句容令歷官
至殿中丞後在池州一日起盥沐索筆爲詩端坐
而逝衆謂尸解有洛陽貴尚錄

古今詩話王濬十歲謁陳州太守令對弱柳絲絲搓綠線對云春雲片片
揭新綿

翰府名談工寺丞失意徧遊諸郡至山陽郡守屢召之夜飲翌日作詩曰
醜卻天下美人面正得世閒男子心郡守它日再為文字之飲以謝之又
至五羊贈太守詩云堵上腥臊堆蜣子口中濃血吐檳榔又云風腥蠻市
合日上瘴雲紅守見之不懌

淵聖皇帝要錄靖康中金人圍京城朝廷急於命將有郭京者自云用六
甲法可以擒敵朝廷錫以金帛使募兵有賣線兒京授以將命又有劉
無忌乃賣藥道人常倒植泥中乞錢亦作統制官蓋取工濬詩有郭京楊
式劉無忌皆在東南臥白雲之讖郭京出前軍為金兵一掃而空城遂陷

寺中聞射因成 十歲時作

殿宇時聞燕雀鳴虛庭盡日少人行孤吟獨坐情何限時

喜風傳中鵲聲 古今詩話

至儀真太守名看牡丹

何事化工情愈重偏教此卉太妖妍王孫欲種無餘地顏
巷安貧欠買錢曉檻競開香世界夜闌誰結醉因緣須知

村落桑麻處田叟飢耕婦不眠

贈五羊太守

碧睛蠻婢頭蒙布黑面胡兒耳帶環幾處樓臺皆枕水四

周城郭半圍山 以上翰府名談

秩滿寄茅山道友

鳴鳳相邀覽德輝松蘿從此與心違孤峯萬仞月正照古
屋數閒人未歸欲助唐虞開有道深慚巢許勸忘機明朝
又引輕帆去紫木年年空自肥 新安志

詠錢塘

南屏高瞰府城西畫舸千艘共醉迷四柱臺邊煙是幕百
花橋畔葑連隄龍檀咽路迎舉隼綺繡登山汗粉題暮色

沈沈郭郭閉寶燈輝映梵天低

咸淳臨安志

吳育

育字春卿建安人天聖五年進士累官樞密副使
參知政事尋以資政殿大學士尚書左丞知河中
府徙河南卒贈吏部尚書諡正肅有集

題峴山石幢

羊公千載得清吟芳跡雖遙契昔心更與峴山為故事凜
然風格照來今

襄陽府志

王含章

含章處州守

題仙都山

三年為郡仰靈蹤咫尺無因到此中長是徘徊看圖畫果
然峭翠在虛空雲歸湖頂塵雖染鶴立松梢路莫通春過
碧溪人玩少古壇牢落雨濛濛

仙都山志

孫抃

抃字夢得眉山人天聖中進士累遷知制誥翰林
學士承旨拜參知政事諡文懿有集

郡齋讀書志孫抃六世祖長孺喜藏書貯以樓蜀人號書樓孫家

端午日皇后閣帖子詞

蟠桃映砌晨烟薄紫桂凌霄晝露晞窈窕漢宮三十六齊
將綵縷祝坤闈
萬功寶笈千齡藥又賜金盤五色瓜從此仙源昇福遠綿

綿不獨頌周家

古今歲時雜詠

彭應求

應求廬陵人渠陽推官思永之父

宿崇聖院

公程無暇日暫得宿清幽始覺空門客不生浮世愁溫泉
喧古洞晚磬度危樓徹曉都忘寐心疑在沃洲

濂溪先生集附

宋詩紀事卷十一

宋詩紀事卷十二

錢唐 厲 鸚 緝

祁門 馬曰璐 同緝

阮 逸

逸字天隱建陽人安定先生胡瑗之門人天聖五
年進士為鎮江軍節度推官皇祐中與瑗同典樂
事遷尚書屯田員外郎

隱居詩話至和中阮逸為王宮記室王能詩與逸唱和有句曰易立太山
石難枯上林柳有言其事者朝廷方治之會逸坐他事因廢棄

題竹閣

在嚴州能仁寺之南

僧閣倚寒竹幽襟聊一開清風曾未足明月可重來曉意
烟垂草秋姿露滴苔佳賓何以竚雲瑟與霞杯

嚴州府志

張維

維烏程人子野之父仁宗朝衛尉寺丞贈尚書刑部侍郎子野取父平生所自愛詩寫之縑素號十詠圖

聞砧

遙野空林砧杵聲淺沙棲雁自相鳴西風送響暝色靜久客感秋愁思生何處征人移塞帳卽時新月落江城不知今夜擣衣曲欲寫秋闈多少情

庭鶴

戢翼盤桓傍小庭不無清夜夢烟汀靜翹月色一團素閑啄苔錢數點青終日稻梁聊自足滿前雞鶩漫相形已隨秋意歸詩筆更與幽棲上畫屏

玉蝴蝶花

雪朵中間蓓蕾齊驟開尤覺繡工遲品高多說瓊花似曲妙誰將玉笛吹散舞不休零晚樹團飛無定撼風枝漆園如有須爲夢若在藍田種更宜

孤帆

江心雲破處遙見去帆孤浪闊疑升漢風高若泛湖依微過遠嶼彷彿落平蕪莫問乘舟客利名同一途

太守馬大卿會六老于南園

賢侯美化行南國華髮欣欣奉宴娛政績已聞同水薤恩輝遂喜及桑榆休言身外榮名好但恐人閒此會無他日

定知傳好事丹青寧羨洛中圖

歸燕

社燕秋歸何處鄉羣雛齊老稻青黃猶能時暫棲庭樹漸
學稀疎度苑牆已任風庭下簾幕卻隨烟艇過瀟湘前春
認得安巢所應免差池棟杏梁

宿後陳莊

臘凍初開苔水清烟村遠郭漫吟行灘頭斜日鳧鷖隊枕
上西風鼓角聲一棹寒燈隨夜釣滿犁膏雨趁春耕誰言
五福仍須富九十年餘樂太平

送丁遜秀才赴舉

鵬去天池鳳翼隨風雲高處約先飛青袍賜宴出關近帶

取瓊林春色歸

貧女

蒿簪掠鬢布裁衣水鑑雖明亦嬾窺數畝秋禾滿家食一
機官帛幾梭絲物為貴寶天應與花有秋香春不知多少
年來豪族女總教時樣畫蛾眉

句 其五宿清江小舍破損僅存一句

菰葉青青綠苕齊

齊東野語孫莘老十詠圖序云張維吳興人少年學書貧不能卒業去而
躬耕以為養善教其子至于有成平居好詩以吟詠自娛浮遊閭里上下
于溪湖山谷之間遇物發興率爾成章不事雕琢之巧采繪之華而雅意
自得徜徉閑肆往往與異時處士能詩者為輩公不出仕而以子封至四
品行年九十有一公卒十八年公子尚書都官郎中先亦致仕家居取公
生平所自愛詩十首寫之練素號十詠圖傳示子孫

唐
詢

詢字彥猷錢唐人天聖中賜進士及第除工部員外郎擢起居注知制誥出知杭蘇青三州拜翰林學士卒贈禮部侍郎有集

皇宗書錄唐彥猷弟詔彥範俱擅一時才雅之譽彥猷知書好古彥範文章氣格高簡不屈疎秀比六朝人物尤精翰墨遺一小札亦必華牋妙管

為杭州日送客舟中

山雨霏微不滿空畫船來往疾輕鴻誰知獨臥珠簾裏一榻無塵四面風

咸淳臨安志

顧亭林

平林標大道曾是野王居舊里風烟變荒原草樹疎湖波空上下里閤已圯墟往事將誰語淒涼六代餘

柘湖

世歷亡秦遠湖連大海濱柘山標觀望玉女見威神渺渺旁無地滔滔孰問津何年化魚鼈鬢鬢歷陽人

以上松江府志

王拱辰

拱辰字君貺咸平人天聖八年進士第一元名拱壽仁宗賜今名歷官翰林學士武安軍節度使哲宗立加檢校太師卒贈開府儀同三司諡懿恪

耆英會

年七十一

西都山水天下奇神嵩景室環清伊自注上古太室山為景室山甫申閒氣秀不絕生賢會聖昌明時衣冠占數盛文雅台符鄉月光離離魏京雄奧壓幽朔遊宮御府嚴天威膏田千里翳桑柘犀甲萬旅馴熊羆公當緩帶名三鎮懸赤繼軫承保釐

追推契遇最深舊加復雍孟交旌麾仁皇一莊龍虎榜桂
堂先後攀高枝宦遊出處五十載鸞臺驥路俱騰夷三公
極位固遼隔五年以長猶肩隨公今復主鳳門鑰僕亦再
撫銅臺圻二京相望阻河廣三徑不克陪遊嬉忽聞幹步
踵門至投我十二耆英詩整冠肅貌諷章句若坐寶肆羅
珠璣爲言白傳有高躅九君結社真可師欲令千載著風
迹亟就僧館圖神姿詞宗端殿序篇目瀉灑大筆何淋漓
眷言履道靡克詘菟裘近邑將營歸取云繪素得精筆願
列霜壁如唐規退居舊相國元老十年還政漣之涯康寧
富貴備五福靈寶盛氣如虹霓昔年大對繼晁董登科賜
第同一期自注皆天聖八年紫垣步武旣通接金沙里閑還鄰比

探禪論道劇訓對摩軋太古窮天機二賢勳業冠朝省爵
齒官學誰依稀今將圖畫表來世詎可下客聯纓綉旣蒙
月品定人物不敢循避違風期況承閣閣厚賓客富有景
物佳園池銅駝坊西福善宅修竹萬箇籠清漪天光臺高
未百尺下眺林嶺如屏帷花王千品盡殊勝風光繡畫三
春暉六相街中路公第碧瓦萬木煙參差左隅廟室本經
禮右閣宸翰尊星奎婆娑青鳳舞松柏煥爛素錦薰醲醑
石渠飛瀉漱寒玉晝夜竽瑟鳴堦墀伊予陋宇治窮僻姑
喜地廣爲環溪樓名多景可曠望臺號風月延清暉四時
花蘂不外假拏舟傲憤聊嬉怡懷歸撫事若飢渴恨無羽
翼西南飛人生交舊貴倫輩情親意接心相知豈無晚秀

負才蘊高談大笑拘禮儀洛中故事名義燕二毛第一年
相推灑冠登仕荷天寵尊君報國當百為既嗟大耋盍知
止納祿謝事皆所宜顧方北道倚煩劇未許解紱披荷衣
長篇不令負花約自注公貽莫負花前約之句為指風什歌式微如羹甘露
爽心骨似柄玉塵親顏眉蘭叢雖未長羅宅菊英似亦思
陶籬子山已著小園賦彥倫猶媿鍾山移聊攄短引謝招
隱冑使猿鶴常驚啼司馬光洛中耆英會詩

史院席上奉和首吳相公原韻

累聖千春統編年四紀餘官歸柱史筆經約魯麟書班馬
才長矣仁英道偉歟恩招宴東觀醜酒荷盈車揮塵後錄

挽老蘇先生

氣得岷峨秀才推賈馬優未承宣室問空有茂陵求玩易
窮三聖論書正九疇欲知歆向學二子繼弓裘蘇集附錄

歐陽脩

脩字永叔廬陵人天聖八年省元中進士甲科累
擢知制誥翰林學士歷樞密副使參知政事神宗
朝遷兵部尚書以太子少師致仕卒贈太子太師
諡文忠晚號六一居士有六一居士集

孔平仲談苑慶歷中西師未解晏元獻為樞密使大雪置酒西園歐陽永叔賦詩云須憐鐵甲冷徹骨四十餘萬屯邊兵晏曰昔韓愈亦能作言語赴裴度會但云園林窮勝事鍾鼓樂清時不曾如此合開
石林詩話歐公矯異體專以氣格為主
詩林廣記歐陽永叔詩如春服既成春酒既釀登山臨水竟日忘歸雪浪齋日記或疑六一居士詩以為未盡妙以賈于子和子和云六一詩只欲平易耳西風酒旗市細雨菊花天豈不佳晚則寒橘柚秋色老梧桐豈不似少陵

優古堂詩話韓子蒼言歐陽文忠寄荆公詩云翰林風月三千首吏部文章二百年吏部蓋謂北史謝朓于宋明帝時爲尚書吏部郎長五言詩沈約嘗云二百年來無此作也文忠之意直使謝朓事而荆公答之曰他日若能窺孟子終身安敢望韓公則荆公之意竟指吏部爲退之矣

廬山高贈同年劉凝之歸南康

廬山高哉幾千仞兮根盤幾百里巖然屹立乎長江長江西來走其下是爲揚瀾左蠡今洪濤巨浪日夕相舂撞雲消風止水鏡淨泊舟登岸而遠望兮上摩雲霄之晻靄下壓后土之鴻龐試往造乎其間兮攀緣石磴窺空磴千巖萬壑響松檜懸崖巨石飛流淙水聲聒聒亂人語六月飛雪灑石缸仙翁釋子亦往往而逢兮吾嘗惡其學幻而言

唯但見丹霞翠壁遠近映樓閣晨鍾暮鼓杳靄羅幡幢幽花野草不知其名兮風吹露溼香澗谷時有白鶴飛來雙幽尋遠兮不可極便欲絕世遺紛疵羨君買田築室老其下插秧盈疇兮有酒盈缸欲令浮嵐暝翠千萬狀坐臥常對乎軒窗君懷磊砢有至寶世俗不辨珉與玳策名爲吏二十載青山白首困一邦寵榮聲利不可以苟屈兮自非青雲白石有深趣其氣兀硯何由降丈夫壯節似君少嗟我欲說安得巨筆如長杠

王直方詩話郭功父少時喜誦文忠公詩一日過梅聖俞曰近得承叔書方作廬山高詩送劉同年自以爲得意恨未見此詩功父爲誦之聖俞擊節歎賞曰使君更作詩三十年亦不能道其中一句功父再誦不覺心醉遂置酒又再誦酒數行凡誦十數徧不交一談而罷梅聖俞贈郭功父詩其畧曰一誦廬山高萬景不得藏設令古畫師極意未能詳

明妃曲和王介甫作

胡人以鞍馬為家射獵為俗泉甘草美無常處鳥驚獸駭
爭馳逐誰將漢女嫁胡兒風沙無情面如玉身行不遇中
國人馬上自作思歸曲推手為琵琶胡人共聽亦咨
嗟玉顏流落死天涯琵琶卻傳來漢家漢家爭按新聲譜
遺恨已深聲更苦織織女手生洞房學得琵琶不下堂不
識黃雲出塞路豈知此聲能斷腸

漢宮有佳人天子初未識一朝隨漢使遠嫁單于國絕色
天下無一失難再得雖能殺畫工于事竟何益耳目所及
尚如此萬里安能制夷狄漢計誠已拙女色難自誇明妃
去時淚灑向枝上花狂風日莫起飄泊落誰家紅顏勝人

多薄命莫怨春風當自嗟

石林詩話前輩詩文各有平日得意不過數篇然他人未必能盡知也毘
陵正素處士張子厚善書余嘗于其家見歐陽公手書以烏絲闌絹一軸
求子厚書文忠公明妃曲兩篇廬山高一篇畧云先公平生未嘗矜大所
為文一日被酒語栗曰吾詩廬山高今人莫能為唯李太白能之明妃曲
後篇太白不能為唯杜子美能之至于前篇則子美亦不能為唯吾能之
也因欲別錄此三篇藏之以誌公意余在汝陰見葉問之亦然今閱公詩
者蓋未嘗獨異此三篇也

禮部貢院闕進士試

紫案焚香暖吹輕廣庭清曉席羣英無譁戰士銜枚勇下
筆春蠶食葉聲鄉里獻賢先德行朝廷列爵待公卿自慙
衰病心神耗賴有羣公鑑識精

石林詩話至和嘉祐開場屋舉子為文尚奇澀讀或不成句歐公力欲革
其弊既知貢舉凡文涉雕刻者皆黜之時范景仁王禹玉梅公儀韓子華
同事而梅聖俞為參詳官未引試前唱酬詩極多歐公有無譁戰士銜枚
勇下筆春蠶食葉聲聖俞有萬蟻戰酣春晝永五星明處夜堂深亦為諸

公所稱及放榜平時有聲如劉暉輩皆不預選士論頗洵洵未幾詩傳遂
闕然以為主司唯唱酬不暇詳考且言以五星自比而待我輩為蠶蟻因
造為醜語自是禮閣不復作詩終元豐末幾三十年元祐初雖稍稍為之
要不如前日之盛然是榜得蘇子瞻為第二人子由與曾子固皆在選中
亦不可謂不得人矣

夢中作

夜涼吹笛千山月路暗迷人百種花基罷不知人換世酒

闌無奈客思家

東坡題跋南嶽李翁老好睡眾人飽食下基翁老輒就枕數局一展轉云
我始一局君幾局矣東坡曰李翁老常用四腳盤只著一色黑子昔與
邊韶敵手今被陳搏爭先著時似有輪贏著了並無一物歐陽公夢中作
詩云云始是謂也

批謝判官紙尾

淺深紅白宜相開先後仍須次第栽我欲四時攜酒去莫
教一日不花開

西清詩話歐公守滁陽築醒心醉翁兩亭于瑯邪幽谷且命幕客謝某者
雜植花卉其閒謝以狀問名品公即題紙尾云云其清放如此

唐崇徽公主手痕

故鄉飛鳥尚啁啾何況悲笳出塞愁青冢埋魂知不返翠
崖遺迹為誰畱玉顏自古為身累肉食何曾與國謀行路
至今空歎息巖花野草自春秋

朱文公語錄玉顏自古為身累肉食何人與國謀以詩言之第一等詩以
議論言之第一等議論也

早朝感事

疎星牢落曉光微殘月蒼龍闕角西玉勒爭門隨仗入牙
牌當殿報班齊羽儀雖接鴛兼鷺野性終存鹿與麕笑報
汝陰常處士十年騎馬聽朝雞

寄許道人昌齡

石唐仙室紫雲深
穎陽真人此算心
真人已去升寥廓
歲岳花自開落
我昔曾爲洛陽客
偶向岳前坐磐石
四字丹書萬仞崖
神清之洞鎖樓臺
雲深路絕無人到
鸞鶴今應待我來

以上居士集

西清詩話穎陽一唐山絕頂有石室邢和璞算心處治平中許昌齡早得仙術杖策來居歐陽文忠公守亳社聞之要致郡齋與語豁然有悟一日公問道許告以公屋宅已壞難復語此但明了前境猶庶幾耳且道昔遊嵩山口暮于絕壁上見苔蘚成文云神清之洞語祕不傳後公歸汝陰臨薨以詩寄之云云

寄韓子華

人事從來無處定
世塗多故踐言難
誰知穎水閑居士
十頃西湖一釣竿

墨莊漫錄歐陽公與韓子華吳長文王禹玉同直玉堂嘗約五十八歲卽致仕子華書上柱上後過限七年方踐前志作詩寄子華曰俗諺云也賣弄得過裏

劉原父再昏以二絕戲之

平生志業有誰先
落筆文章海內傳
明日都城應紙貴
開簾卻扇見新篇

仙家千載一何長
浮世空驚日月忙
洞裏桃花莫相笑
劉郎今是老劉郎

西清詩話

顏太初

太初字醇之徐州人
顏子四十七代孫
第進士官國子監
直講出爲臨晉簿
掌南京學卒有鳧繹先生集

蘇東坡序畧云昔吾先君適京師與士大夫遊歸語賦曰自今以往文章其日工而道將散矣士慕遠而忽近貴華而賤實吾已見其兆矣以魯人

覺釋先生之詩文十餘篇示軾曰小子識之後十餘年天下無復為斯文者也

許希并序

鍼工許希下蔡人住梁門西市三十年及天聖中皇躬
違豫有內戚達其姓名上名見三進鍼而疾平面授尚
藥奉御其賜予不可勝紀謝恩畢西向而拜上詢其故
奏曰臣拜本師扁鵲也上惜其用心不忘本給錢五十
萬為立祠封曰靈應侯或曰人生乎世慎乎習希失其
習者也使希不習醫而習儒其遇主之日不忘先師明
矣若然則讀書為儒乘時取富貴高冠長劍昂昂廟堂
之上自負自得不知素王之力者許希之罪人也因為
詩云

京城名利塗車馬相奔馳其閒取富貴往往輸巫醫前後
十數輩身沒名已隳獨有許希者蘊蓄何瑰奇始自下蔡
來所處尤喧卑西市三十年汨汨無人知一朝仗至藝驟
登文石堦三鍼愈上疾神速不移時酬以六尚官著籍通
端闈旌以三品服佩紫垂金龜于時稱謝畢西向復陳儀
當廳驚且問歷歷宣其辭臣傳扁鵲術遇主今得施特此
一展謝臣心不自私主上惜其意繫賞為嘘唏仍給水衡
錢國西命立祠復加靈應號金額照華穰自此輦轂下求
禱何神和我過慶成坊見之心且悲秦醫術雖妙五藏及
四肢所習得其人千齡祀不虧魯聖術至大帝道與民彝
所習非其人一朝反相持小吏師荀況竊為辨說資作相

勸焚書詐云愚蚩蚩後之為儒者其心皆李斯昔在布衣
勤守先王規朝談十二經夕誦三百詩依憑稽古力榮
進無他歧及居廟堂上長劔冠義魏自謂天所賦焉知有
宣尼宣尼斷襲封十經寒暑移他姓為邑官鄉老皆驚疑
上章寢不報九重遭面欺諫官不舉失御史不言非盡為
許希笑得路忘先師

宋史文苑傳天聖中文宣公孔聖祐卒無子除襲封且十年是時有醫許希以鍼愈仁宗疾拜賜已酉向拜偏鵠曰不敢忘師也帝為封偏鵠神應侯立祠城西太初作許希詩指聖祐事以諷在位又致書參政蔡齊齊為言于上遂以聖祐弟襲封

東州逸黨

天之有常度躔次絕乖離地之有常理沈潛無變虧人之
有常道高下遵軌儀三才各定位萬古永不移二儀設有
變修德可以祈人道或反常其亂何由支昔在典午朝國
祚向陵夷日向中夜出赫赫來東陸地向太極裂中有蒼
鵝飛高厚災且異人妖亦繁滋始有竹林民怪誕名不羈
次有夷甫輩高談慕無為沈湎多越禮阮籍兼輔之虛名
能飾詐光逸與王尼何曾有先見不能救其衰張華徒竭
力無以扶其危至今西晉書讀之堪涕洟爾來歷千年炎
宋運重熙東州有逸黨尊大自相推號曰方外交蕩然絕
四維六籍被詆訶三皇遭毀訾阮儒愚黔首快哉秦李斯
與世立憲度迂哉魯先師流宕終忘反惡聞有民彝或為
童牧飲垂鬢以相嬉或作概量歌無非市井辭或作薤露
唱發聲令人悲或稱重氣義金帛不為賞或曰外形骸頂



踵了無私麀聚復獲雜何者為尊卑遙聞風波民未見如
調飢偶逢紳帶士相對如拘縻不知二紀來此風肇自誰
都緣極顯地多用寧馨兒斯人之一唱翕然天下隨斯人
之一趨靡然天下馳鄉老為品狀不以逸為嗤宗伯主計
偕不以逸為非私庭訓子弟多以逸為宜公朝論人物翻
以逸為奇家國盡為逸禮法從何施我常病其事中夜起
思惟平地三尺限空車登無歧重載歷百仞所來因陵遲
萬一染成俗雖悔何由追眾人皆若夢焉能分其縻眾人
皆若醉不知覘其醜天下皆病痿俾誰就魯醫天下皆病
狂何暇灸其眉幸有名教黨可與決雄雌所嗟九品賤不
得立文墀賈誼惟慟哭梁鴻空五噫終削南山竹冒死指
其疵願乘九廟靈感悟宸心知赫爾奮獨斷去邪在勿疑
分捕復大索儉人無子遺大者肆朝市其徒竄海湄殺一
以戒萬是曰政之基千奴共一膽膽破眾自隳無使永嘉
風敗亂昇平時

以上宋文鑑

宋史文苑傳山東人范諷石延年劉潛之徒豪放劇飲不循禮法後進多慕之太初作東州逸黨詩

章 俊

如歸亭

在吳江之東天聖中趙令球建

吳江江上客亭幽地占姑蘇最上游萬頃重湖朝夕浪幾
聲殘櫓往來舟涼生領袖蘋風晚冷射杯盤桂魄秋東道
正閑時倒屣笙歌誰惜一遲留

吳江縣志

葉 綱

如歸亭

拍天烟浪接滄溟識盡歸舟是此亭風遞秋香來橘社水
資春味驗茶經捲簾江樹差差綠入坐湖山隱隱青魯望
幽居在何處白鷗無主滿閑汀

吳江縣志

何永錫

如歸亭

獨臨朱檻愛平波安穩歸舟兩兩過數島雲霞栽橘社一
汀烟月採菱歌湖心日定施青黛砌下風恬展碧羅好寫
仙源槎閣主便教從此上銀河

吳江縣志

陶伯宗

如歸亭

吾家本住洞庭西烟雨生涯接釣磯今日吳江亭上望水
光山色卻如歸

吳江縣志

梅摯

摯字公儀成都新繁人天聖中進士擢殿中侍御

史戶部副使出知蘇州進龍圖閣學士知杭州遷

右諫議大夫徙江寧河中卒

自和寒食韻

龜堞春遊土著賒青青踏去冒烟華翠停舴艋客尋寺紅
卸羅羅人上車亭落五重沽卓酒釵行十二步潘花乘歡
盡醉高陽侶倒載歸來不認家

成都文類

琵琶亭

陶令歸來爲逸賦樂天謫宦起悲歌有弦應被無弦笑何
況臨弦泣更多 中山詩話

新橋

千頭霜熟摘來新包貢虔修望紫宸他日功成許高退社
中還結素封人

五日公宴

虎符新合晚芳天良會難并樂與賢心媿白公求治切下
車三月始開筵 自注白公句宴詩云下車已三月開筵始今辰

過白頭橋

在蘇州盤門運河上

白頭橋奈白頭何 自注唐收白公建因得名近歲伯純修之人呼孫老橋 舊德如存故老歌
不特輿梁起遺愛大都才美服人多

北軒敲枕

苦無勤瘁補臺綱西院西頭冷峭房今日鈴齋一敲枕清
風不敢傲羲皇 以上吳郡志

歸雁亭

歐陽公建在滑州

東風楊柳杏花飛曾伴先生酒一卮前輩風流那復見小
亭烟雨漫相思城邊春草路南北山下河梁人別離一尺
短書口水闊年年愁絕雁歸時

偶書小詩寄永叔內翰

知滑州時作

酒戶棊兵孰與儕月宵曾過六天街南燕到後懷君遠時
入樓東畫舫齋 以上大名府志

句

涼深荔浦月冷熨桂江秋

昭州月 哲匠金桴

富弼

弼字彥國河南人天聖八年舉茂材異等累擢知制誥歷同中書門下平章事封鄭國公進昭文殿大學士監修國史進司徒薨贈太尉諡文忠

王蓮詩話或傳富鄭公奉使遼國遼使者云蚤登雞子之峯危如累卵若曰夜宿丈人之館安若泰山又云酒如線因針乃見富若曰併如日遇食則缺

謝邵堯夫見訪

先生自衛客西畿樂道安閑絕世機再命初筵終不起獨甘窮巷寂無依貫穿百代嘗探古吟詠千篇亦造微珍重相知忽相訪醉和風雨夜深歸

聞見前錄公築第與康節天津隱居相邇公曰自此可時相招矣康節曰某冬夏不出春秋時閒過親舊開公相招未必來不名或自至一日過之作詩云云

伏承畱府太尉相公就敝居為耆年之會承命賦詩

謹錄上呈伏惟采覽

時公年九十九

西洛古帝都衣冠走集地豈惟名利場驟為耆德會太尹吾舊相曠懷輕富貴日與退老遊臺閣并省寺予慙最衰老亦許預其次遂欲省儀容爛然形繪事悶嶠訪精筆鮫綃布絕藝今復崇宴筵以示慈惠幽居近銅駝荒弊仍湫底塞路移君庖盈車載春醴獻酬互相趣觀處不知止商嶺有四翁晉林惟七子較我集諸賢盛衰何遠邇並事實可矜傳之為千祀

弼竊覽長篇斷章有十二人中第二人之句又賦一絕上呈

顧我年齡雖第一在公勳德自無雙不推行業終難敵富貴康寧亦可降

以上司馬光洛中耆英會詩

涵虛閣

在南昌東湖北宋國子博士李寅致政居此建

畫閣高連百雉城涵虛應不媿標名門前柳色兼旗色座上琴聲雜佩聲
有羨五湖歸范蠡未饒三徑隱淵明我來恰直初晴後山影波光分外清

南昌府志

資政范公以黃素小字韓文公伯夷頌寄才翁壬申正月才翁按察因跋

夷清韓頌古皆無更得高平小楷書舊相嘉篇題卷後蘇

家能事復何如

鐵網珊瑚

文彥博

彥博字寬夫介休人舉進士歷樞密副使參知政事拜同中書門下平章事封潞國公以太師致仕
紹聖中降太子少保卒預元祐黨籍後追復太師

謚忠烈有集

蘇東坡云潞公長律無一字無考據

卻氏聞見前錄文潞公自兗州通判代歸呂文靖一見奇之問潞公曰有兗州墨攜以來明日潞公進墨文靖熟視之蓋欲相潞公手也遂薦爲殿中侍御史

閑齋有作

鼓吹盡私蛙蒿蓬蔣徑斜梧高惟待鳳柳密只容鴉度暑
巾裁縠迎涼帳卷紗茂陵無奈渴猶有鎮心瓜

蘅臯

蘅薄頻牽望陽林久駐鑣香囊徒叩叩雲月自蒼蒼翠佩
傳情密曾波託意遙翩鴻漸高逝翻恨隔神霄

見山樓

雲淡天迷楚樓高地占秦哀箏兩行雁小字數鉤銀巷陌
三條月池塘十步春府門初夜閉多少夜遊人

閱史有感

縹帙青箱次第開慨然英氣轉難裁莫言每事俱長往須
有清風屬後來彈鋏始知皆瑣旅枕戈方信是雄才平生
自信真非薄只是休容鳩鳥媒以上文路公集

同甲會詩

四人三百十二歲況是同生丙午年招得梁園為賦日合
成商嶺采芝仙清談疊疊風盈席素髮飄飄雪滿肩此會
從來誠未有洛中應作畫圖傳

夢溪筆談文路公保洛日年七十八同時有中散大夫程昞朝議大夫司
馬旦司封郎中致仕席汝言皆年七十八嘗為同甲會各賦詩一首
耆英會詩 時公年七十五

九老舊賢形繪事元豐今勝會昌春垂肩素髮皆時彥揮
麈清談盡席珍染翰不停詩思健飛觴無算酒行頻蘭亭
雅集誇修禊洛社英遊賞序賓自媿空疎陪几杖更容款
密奉簪紳當筵尚齒尤多幸十二人中第二人

澠水燕談云富韓公熙寧四年以司空歸洛時年六十八是年司馬端明
不拜樞密副使求判西臺時年五十三二公安居沖默不交世務後十一
年當元豐五年文潞公雷守西京慕唐白樂天九老會于是悉聚洛中大
夫賢而老自逸者韓公置酒相樂凡十二人又命鄭魚圖形妙覺僧舍各

賦詩時人呼之曰洛陽耆英會而司馬公為之序其相聚也用洛中舊俗敘齒不尚官韓公年七十九潞公與司封席汝言字君從皆年七十七朝議大夫王尚恭字安之七十六太常卿趙丙字南正祕書監劉几字伯壽衛州防禦使馮行巳字肅之皆七十五天章閣待制楚建中字正叔七十三朝議大夫王慎言字不疑七十二大中大夫張問字昌言龍圖閣直學士張壽字景元皆七十司馬公六十四故潞公詩云當年尚齒尤多幸十

彥博代簡上君貺宣猷

勿愛大名名遂忘西洛樂銅駝本自佳金鳳亦不惡二月三月春融融千花萬花紅灼灼公乎早歸來莫負花前約同賞狀元紅對酒劉師閣

自注花雖舊房其豔維新

彥博伏觀公詩有第一無雙之句輒成二十八字上

呈

洛下衣冠今最盛當筵尚齒禮容優惟公福壽并勳德合是人閒第一流

以上司馬光洛中耆英會詩

贈李戡

昌元建邑幾經春百里封疆秀氣新鳴子池邊登第客老鴉山下著綦人

方輿勝覽昌元縣南有老鴉山有李勣李戡兄弟善綦會虜索綦戰于國朝詔求天下善奕者蜀帥以勣應詔虜望風知畏不敢措手譙南薰昌元人登皇祐五年進士第文潞公詩云云

題榆次縣鼓樓

置向譙樓一任撾撾多撾少不知他如今幸有黃紬被努出頭來放早衙

合璧事類前集世傳太祖謂一縣令曰勿于黃紬被裏放衙潞公詩云云

雙泉

長劍並彈霜氣豪白虹半折秋雲高濯纓洗耳更何處世人回看輕鴻毛

河南府志

溟水

在孟縣西北春秋會于溟梁即此

潺湲北山水繚繞南城臯晴灘錦石亂擊觸春湍高誰謂溟梁大不能容魴魮臨流自縮手揭厲應徒勞

孟縣志

宿少林寺

六六仙峯繞佛居俗塵至此暫銷除西來未會禪師意北去應馳使者車

予方受命移守北都

五品封槐今尚在九年面壁昔何如心知一宿猶難覺花藏重尋貝葉書

嵩陽石刻集記

席汝言

汝言字君從官尚書司封郎中致仕

耆英會

年七十七

繫國安危唐上宰功成身退漢留侯二公閑暇開高宴九老雍容奉勝流共接雅歡恩意洽不矜崇貴禮容優賞心樂事人閒盛豈謂今稀古莫儔

壯歲塵埃祿事牽老歸重到舊林泉曾無勳業書青史偶向康寧養老年自分杜門居陋巷敢期序齒預公筵更慙形穢才涼薄不稱圖真接鉅賢

司馬光洛中耆英會詩

王尚恭

尚恭字安之官朝議大夫致仕

耆英會

年七十六

端朝風望兩台星珪組參差又十人八百齊年餘總數一
千熙運遇良辰席閒韻語皆非俗圖上形容盡得真勝事
主盟開府盛誤容衰薄混清塵服許便衣更野逸坐從齒
列似天倫二公笑指增和氣夜久盤花旋發春
自注燭下盤花
開公卽指目焉
司馬光洛中耆英會詩

劉 几

几字伯壽洛陽人第進士神宗朝官祕書監致仕
上柱國通議大夫

風月堂詩話劉伯壽洛陽九老之一也築室嵩山玉華峯下號玉華菴主
有妾名萱草芳草皆秀麗善音律伯壽出入乘牛吹鐵笛二草以蘄笛和
之聲滿山谷出門不言所之牛行卽行牛止卽止其止也必命壺觴盡醉
而歸嵩前人以爲地仙云

耆英會 年七十五

司徒碩德今無比太尉殊勳固絕倫偶以暮年陪盛宴喜
將白髮照青春八公有穢山空著四皓當衰心且伸元老
相望疎迹在不應此會媿前人

制舉省元推二相龍頭昔日屬宣猷人間盛事并遐算一
席幾盈九百籌
自注十二老共八百九十二歲 司馬光洛中耆英會詩

馮行已

行已字肅之官衛州防禦使致仕

耆英會 年七十五

書稱五福壽爲先有德人方得壽延自媿櫟樗非遠器誰
應齒髮亦遐年立身官未三公貴推老名陪二相賢喜把
衰容模梵字慙無纖效勒燕然當時遭遇承陶冶今日光

榮預燕筵從此洛城增勝槩又新重作畫圖傳司馬光洛中耆英會詩

趙丙

丙字南正太常卿致仕

耆英會年七十五

新春鼎洛燕英髦主禮雍容下庶僚二相比肩官一品十人華髮事三朝星階並列瞻台曜尊酒時行挹斗杓東穎庸夫最無狀也將頰面趁嘉招司馬光洛中耆英會詩

王謹言

謹言字不疑官朝議大夫司農少卿致仕

耆英會年七十二

相印貂冠粲六符華顛高會侍臣俱不將官職誇鄉里唯尚年齡入畫圖履道清歡追故事竚瞻陰德見訐謨叨陪几席真榮觀珪璧叢中問珉珎司馬光洛中耆英會詩

楚建中

建中字正叔洛陽人第進士官中奉大夫天章閣

待制提舉崇福宮

耆英會年七十二

自顧頹齡七十餘久慙頑鈍費洪鑪歸逢大老者年會衰朽形骸媿畫圖

二相謨猷爛史編諸公才業過前賢好圖儀像傳來世何事頑疎亦比肩司馬光洛中耆英會詩

張燾

燾字景元漢陽人第進士神宗朝歷龍圖閣直學士知成都府通議大夫提舉崇福宮

耆英會 年七十

洛城今昔衣冠盛韓國園林景物全功在三朝尊二相數逾九老萃羣賢當時鄉社爲高會此日居畱口款延多幸不才陪履舄更慙七十是新年

司馬光洛中耆英會詩

挽老蘇先生

本朝文物盛西州獨得宗公薦冕旒稷嗣章儀書未奏茂陵辭容病無瘳一門歆向傳家學二子機雲並雋遊守蜀無因奠尊酒素車應滿古原頭

蘇集附錄

張問

問字昌言襄陽人進士起家累官祕書監給事中終太中大夫提舉嵩山崇福宮入元祐黨籍

耆英會 年七十

槐庭二老樂堯仁盛集高年洛水濱華袞具瞻雖禮絕白頭序齒卻情親清閑几席同禪院山野巾裘似隱淪尊酒椒香纔過節池塘草色已催春白公酣暢吟哦內衛武康強笑語頻豈獨丹青傳不朽潛欣風俗欲還淳芝田鶴戲調形健蓮葉龜遊納息勻商皓寂寥拘小隱漢疏局促止家人莫因氣貌疑丹竈自有光陰寄大椿復得兼謨爲重客 自注司馬光未七十 恐遺元爽在編民神仙可學今方信道術相忘久益真滿座交歡祝眉壽羣生五福託鴻鈞

司馬光洛中耆英會詩

劉 槃

槃字孟節青州壽光人少師种放隱于青州之南
冶源山富鄭公為築室以居范文正公文潞公皆
優禮之欲薦之朝懇辭不就

溫公續詩話槃喜為詩慷慨有氣節舉進士及第為幕僚一任不得志棄
官隱居冶源山去人境四十里好遊山常獨挈飯一盃窮探幽險無所不
至夜則宿于巖石之下或累日乃返不畏虎豹蛇虺富丞相甚禮重之

府舍西軒作

昔年曾作瀟湘客憔悴東秦歸未得西軒忽見好溪山如
何尚有楚鄉憶讀書誤人四十年有時醉把闌干拍

閑居詩話

張 望

句

庭下郎君為宰相門前故吏作將軍

邵氏聞見前錄張金部名方為白波三門發運使文潞公父令公昇為屬
官金部召去薦令公為子弟讀書于孔目官張望家望嘗為舉子頗知書
後隸軍籍潞公少年好遊令公怪責之路公久不敢歸張望白令公曰郎
君在某家學問益勤苦不復遊矣因出潞公文數十篇令公為之喜後潞
公出入將相望尚無恙公判河南日母申國太夫人生日望自河清獻壽
有詩云云望以子通籍封將軍云

劉 沆

沆字冲之吉州永新人天聖八年進士第二至和
中拜同中書門下平章事集賢殿大學士出知應
天府徙陳州卒贈左僕射兼侍中

小孤山

擎天有八柱此一柱仍存石聳千尋勢波流四面痕江湖
中作鎮風浪裏盤根平地安然者饒他五岳尊

青箱雜記

送鄉人尹鑑登第歸

少年相款老相逢鄉舉雖同遇不同我已位塵三事後君
方身列五科中榮登莫計名高下宦達須由善始終若到
鄉關人見問為言歸思滿秋風

青箱雜記尹劉少同場屋劉已登第大拜皇祐中尹以恩榜始登第劉以
詩送之

陳希亮

希亮字公弼青神人天聖八年進士歷官提點江
東刑獄入判三司戶部句院請補外為京東轉運
使移知鳳翔致仕卒第四子慥字季常與蘇軾遊
和范公希文懷慶朔堂

弱柳奇花遞閒栽紅芳綠翠對時開主人當日孤真賞魂

夢還應屢到來 饒州府志

魏兼

兼官度支員外

和范公希文懷慶朔堂

使君去後堪思處慶朔堂前獨到來桃李無言爭不怨滿

園紅白為誰開 饒州府志

畢京

京官職方員外

和范公希文懷慶朔堂

花木還依舊逕栽春園不惜為誰開幾多民俗熙熙樂似
到老聃臺上來 饒州府志

曹經

經官同提點江東刑獄

和范公希文懷慶朔堂

池館名公舊日栽幾番零落又春開誰人解識紅芳意猶
有多情五馬來饒州府志

日臨按范公詩自懷慶朔堂栽花作嶺四和詩可以辨西溪叢語眷憶樂籍之誣并卻掃編春風為道士名亦近附會矣

陸軫

軫山陰人官兵部郎

七歲作

昔時家住海三山日月宮中屢往還無事引來天女笑謫
來為吏在人間

者舊續聞陸太傅軫神采秀異七歲猶不能語一日乳媪攜往後園俄而吟詩云云後仕至兵部郎官歸老稽山宋元憲杜祠公皆有詩送行篇中多及神仙事蓋公雅志也

魯交

交字叔達梓州人仕至虞部員外郎有三江集

經戰地

西邊用兵地黯慘無人耕戰士報國死塞草迎春生沙飛
賊風起晝黑陣雲橫夜半烽臺望旄頭星尚明宋文鑑

遊華山張超谷

太華鎖深谷我來真景分有苗皆是藥無石不生雲急瀑
和煙瀉清緩帶雨聞幽棲未忍別峯半日將曛

江樓晴望

江干一雨收霽色染新愁遠水碧千里夕陽紅半樓笛寒
漁浦晚山翠海門秋更待牛津月袁宏欲泛舟

清夜吟

露華清八極吟上小樓東月色水鋪地雁聲秋滿空明河
欲瀉浪瘦竹自生風坐久心骨爽此懷誰與同

有寄

思君又是東風起樓倚浮雲目千里芳草不知人斷腸帶
煙帶雨連春水

以上前賢小集拾遺

齊唐

唐字祖之廓弟天聖八年進士嘗試制科辟杭州
料院仕至職方員外郎致仕有少微集

會稽志唐有家園在鑑湖有山小而近湖唐分司東歸命名少微山遂家焉引流爲沼藝花爲圃山之上下有芳華亭修竹巖眞珠泉石室嘉遯亭樵風亭禹穴閣應星亭東山亭釣閣盡湖山之勝自爲家山十詠陶寫景物語尤閑遠今詩不存

玉洞

在劍浦山

白石洞閒路吾家在其中琴窗與書閣一半是雲封

會稽志

仙茅

仙方上品誇靈種忽怪靈芝拆紫苞玉澤返嬰看驗術少

微山是小三茅

剡錄

觀潮

何意滔天苦作威狂驅海若走馮夷因看平地波翻起知
是滄浪鼎沸時初似長平萬瓦震忽如員嶠六鼇移直應
待得澄如練會有安流往濟時

瀛奎律髓

張先

先字子野烏程人天聖八年進士嘗知吳江縣仕
至都官郎中有安陸集

東坡題跋張先子野善戲謔有風味見杭妓有彈琴者忽撫掌曰異哉此
箏不見許時乃爾黑瘦耳
過庭錄張先子野郎中一叢花詞云沈思細恨不如桃杏猶解嫁東風一
時盛傳歐永叔尤愛之恨未識其人子野家南地以故至都謁永叔聞者
以通永叔倒屣迎之曰此乃桃杏嫁東風郎中東坡守杭子野尚在嘗預
宴席有南鄉子詞末句云問道賢人聚吳分試問也應傍有老人星蓋年
八十餘矣

吳江

春後銀魚霜下鱸遠人曾到合思吳欲圖江色不上筆靜
覓鳥聲深在蘆落日未昏聞市散青天都淨見山孤橋南
水漲虹垂影清夜澄光合太湖 中吳紀聞

往歲吳興守滕子京席上見小妓兜娘子京賞其佳
色後十年再見于京口絕非向時容態感之作詩

十載芳洲撫白蘋移舟弄水賞青春當時自倚青春力不
信東風解誤人 侯鯖錄

營妓張溫卿黃子思愛姬宜哥皆葬宿州城東過而
題詩

好物難留古亦嗟人生無物不塵沙何時種樹連雙冢結
就人閒並蒂花 能改齋漫錄

題西溪無相院

積水涵虛上下清幾家門靜岸痕平浮萍破處見山影小
艇歸時聞草聲入郭僧尋塵裏去過橋人似鑑中行已憑

暫雨添秋色莫放修蘆礙月生

合璧事類前集

和元居中風水洞上祖龍圖韻

水色風光近使君泥塵輕雨逐車輪暫來不宿宜無恨多

少行春不到人

咸淳臨安志

句

愁似鰥魚知夜永嬾同蝴蝶爲春忙

石林詩話張先郎中能爲詩及樂府至老不衰居錢唐蘇子瞻作倅時先年已八十餘視聽尚精強家猶畜聲妓子瞻嘗贈以詩云詩人老去鶯鶯在公子歸來燕燕忙蓋全用張氏故事戲之先和云極爲子瞻所賞俚俗多喜傳詠先樂府遂掩其詩聲識者皆以爲恨云

湖山隱後居空在煙雨詞亡草自青

藝苑雜錄張子野過和靖隱居一聯自註云先生嘗著春草曲有滿地和煙雨之句

李之才

之才字挺之青州人天聖八年進士師穆修受易

修受之種放放受之陳搏源流甚遠邵雍傳其學

官至殿中丞發書澤州判官

鳳州絕句

去年三月洛城遊今日尋春到鳳州欲把雙魚附歸信嘉

陵江水不東流

西溪叢話時韓中令宣撫河東委之才以秦鳳鑄鐵錢事在鳳州有作

孫復

復字明復平陽人居泰山深于春秋石介以次皆

師事之以薦除國子監直講卒有睢陽小集

八月十四夜月

銀漢無聲露欲垂玉蟾初上欲圓時清尊素瑟宜先賞明
夜陰晴未可知孫明復小集

石介

介字守道奉符人天聖八年進士歷嘉州判官居
憂躬耕徂徠山下魯人號徂徠先生後遷直集賢
院出判濮州卒有徂徠集

燕脂板浣花牋寄合州徐文職方

合州太守鬢將絲聞說歡情尚不衰板與歌娘拍新調牋
供狎客寫芳辭木成文理差差動花映溪光瑟瑟奇名得
只從嘉郡樹自注燕脂木嘉州出樣傳仍自薛濤時自注有薛濤奇章磊磊
馳聲價江令翩翩落酒卮幾首詩成卷魚子自注有魚子誰人唱

罷泣燕脂紅牙管好同牀置紫竹笙宜一處施願助風流
向尊席杏花況是未離披

慶歷聖德詩

於惟慶歷三年三月皇帝龍興徐出闈闈晨坐太極晝開
闈闈躬攬英才手鋤姦孽大聲颯颯震搖六合如乾之動
如雷之發昆蟲躑躅怪妖藏滅同明道初天地嘉吉初聞
皇帝戚然言曰予祖予父付予大業予恐失墜實賴輔弼
汝得象殊慎重微密君相予久予嘉乃績君仍相予笙鏞
斯協昌期儒者學問該洽與予論政傅以經術汝貳二相
庶績咸秩惟汝仲淹汝誠予察太后垂簾湯沸火熱汝時
小臣危言截案爲予同諫正予門闈爲予京兆聖子讒說

賊叛于夏汝往式遏六月酷日大冬積雪汝寒汝暑同于
士卒予聞辛酸汝不告乏予晚得弼予心慰悅弼每見予
無有私謁以道輔予弼言深切予不堯舜弼自答罰陳官
一年奏疏滿篋侍從周歲忠力僅竭弊丹忘義禱杌饕餮
敢侮大國其辭慢悖弼將予命不畏不懾卒復舊好民得
食褐沙磧萬里死生一節視弼之虜霜剝膚裂觀弼之心
煉金煨鐵寵名大官以酬勞竭弼辭不受其志莫奪惟仲
淹弼一夔一高天實賚予予其敢忽並來弼予民無瘥札
曰衍汝來予之黃髮事予二紀毛禿齒豁心如一今率履
不越遂長樞府兵政毋歷予早識琦琦有奇骨其器魁櫛
豈視居櫛其人渾樸不施刮剗可屬大事敦厚如勃琦汝

副衍知人予哲惟修惟靖立朝轍轍言論礫砢忠誠特達
祿微身賤其志不怯嘗詆文臣亟遭卑黜萬里歸來剛氣
不折屢進直言以補予闕素相之後含忠履潔昔爲御史
幾叩予榻至今諫疏在予箱匣襄雖小官名聞予微亦嘗
獻言箴予之失剛守粹慤尚修儔匹並爲諫官正色在列
予遇汝言汝無鉗舌皇帝明聖忠邪辨別舉擢俊良埽除
妖魃衆賢之進如茅斯拔大姦之去如距斯脫上倚輔弼
司予調燮下賴諫諍維予紀結左右正人無有邪孽予望
太平日不逾浹皇帝在位二十二年神武不殺其默如淵
聖神不測其動如天賞罰在手不失其權恭已南面退姦
進賢知賢弗易非明弗得去邪惟薏惟斷乃克明則不惑

斷則不忒既明且斷惟帝之德羣下踧踖重足屏息交相
語曰惟正惟直毋作側僻皇帝汝殛諸侯危栗墮玉失鳥
交相告語皇帝神明四時朝覲謹修臣職四夷走馬墜鐙
遺策交相告語皇帝神武解兵修貢永為屬國皇帝一舉
羣臣懾焉諸侯畏焉四夷服焉臣願皇帝壽千萬年

以上祖
徠集

東都事畧石介為國子直講是時兵討元昊久無功海內重圍仁宗奮然
思欲振起威德宰相呂夷簡以疾罷歸第夏竦罷樞密使章德象晏殊為
相賈昌朝參知政事用杜衍為樞密使范仲淹韓琦富弼樞密副使王素
歐陽修余靖同為諫官介躍然曰此盛德事也雅頌吾職其可已乃作慶
歷聖德詩詩出孫復謂介曰子禍始于此矣夏竦見而銜之介既卒竦欲
以奇說中富弼指介以起事謂其詐死北走莽丹請發棺仁宗察其誣得
不發

宋詩紀事卷十二

